

# Iloiloga o Tulafono ma Ta'iala e lagolago ai le Fuafuaga mo Ogasami Fa'apitoa i Samoa




O le Fuafuaga mo Ogasami Fa'apitoa, o se auala mo fuafuaga ua aloaia fa'ava-o-malo e fa'aaoga ai fa'amatalaga o punaoa faalenatura fa'apea le fa'aaogaina e tagata o punaoa mai se vaega o le sami e fa'avaeina ai se taiala talafeagai e pulea tatau ai le sami.

*Ua fa'avasegaina e le UNESCO le Fuafuaga mo Ogasami Fa'apitoa o se fa'agasologa fa'alau'itele e vailiili ma fa'atulaga ai le fa'asoasoina o le fa'aogaina e tagata o le sami ina ia ausia ai taunu'uga mautu mo si'os'iomaga, alagamanuia ma le soifua lelei e ala i se faiga e lagolagoina.*

O le Fuafuaga mo Ogasami Fa'apitoa o le a fa'avaeina ma fa'avasega ai ogasami faapitoa; o nisi o nei ogasami o le a fa'ataga ona fa'aogaina, ae o nisi o le iai ni tapu mo le fa'aogaina.

O le fausiaina o tulafono, e masani ona fautuaina le iloilo toto'a o tulafono ma faigafa'avae o lo'o pulea tatau ai le sami, ogasami fa'asao, saogalemu o le sami, le malupuipua o tuaoi, va'a feoa'i ma femalagaiga, fuafuaga mo le fa'aogaina o gataifale ma laufanua, otaota ma vailaau oona lafoa'i, togatogo, ma le eliina o oneone faapea ma isi aiaiga fa'alefa'avae ma fa'apulega.



## Fa'asologa o le Iloiloga o Tulafono e lagolago ai le MSP i Samoa:

- Tu'uafaatasia i se lipoti e tasi ia fa'aiuga o iloiloga o tulafono ma ta'iala uma o loo a'afia ai le pulea tatauinu o le sami;
- Fa'aailoa le faiga o pemitā ma laisene mo le fa'aogaina o le sami faapea le fa'asoneina o le sami;
- Fa'aailoa ni lape po'o ni vaivaiga o tulafono o lo'o pulea tatau ai le sami, aemaise o le fa'atinoina o aulape ma ta'utinoga o Feagaiga Fa'ava-o-malo; ma le
- Fautuaina ni la'asaga e filifilia e aloaia ai faaletulafono le Fuafuaga mo Ogasami Fa'apitoa e fa'avaeina e tusa ma tulafono ma faiga faapulega tatau.

## Aiaiga Faapulega ma Fa'alefa'avae

Aiaiga fa'alefa'avae talafeagai

- » E tusa ma le autu o le iloiloga, o le vaega taua o le Fa'avae o vaega 104 ma le 101

Aiaiga Fa'apulega.

- » E faamoemoe le Fuafuaga mo Ogasami Fa'apitoa (MSP) i le galulue soofa'atasi o Matagaluega ma Pa'aga uma. O Matagaluega o loo taua i lalo e iai o latou tiute ma matafaioi fa'atino i le sami o Samoa.

Matagaluega o Punaoa Faalenatura ma le Siosiomaga (MNRE)

Matagaluega o Fa'atoaga ma Faigafaiva (MAF)

Matagaluega o Galuega, Felaua'iga ma Atina'e tetele MWTI)

Matagaluega o Tiute ma Tupe maua

Matagaluega o le Va-i-Fafo ma Fefa'ataua'iga (MFAT)

Matagaluega o Tupe (MOF)

Matagaluega a le Palemia ma le Kapeneta (MPMC)

# Fa'aiuga ma Fautuaga

	FA'AIUGA	FAUTUAGA
1.1	O se tasi o faavae taua o le MSP, o tulafono ia e mafai ai ona fausia ituaiuga o ogasami fa'asao, e aofia ai tulaga eseese mo le fa'asaoina o le sami. O lenei fa'avae e ao ona aloaia ai faiga fa'apulega so'ofa'atasi ma taumafaiga fa'asao a nu'u lea e matele lava i atunuu o le Pasefika. O se vaega o le Pili EMC e mafai ona faatino ai lea faiga.	Ia fa'agasolo ma fa'aauau le tapenaina o le tulafono autu o le EMC i ona vaega e mafai ai ona fa'avae ni ogasami fa'asao eseese.
1.2	I le fa'afuuiupu (2) o le vaega 43 o le Tulafonotaufa'aofi (EMC Bill), o le fa'atapulaina ai se nofoaga e mafai ona fa'aaoga iai sea vaega o le a tulafono, aemaise lava o le tapula'a ai se ogasami fa'asao a nu'u mo le puipuia o le sami a Samoa.	Ia toe iloilo le fa'afuuiupu (2) o le vaega 43 o le tulafono o loo tapena o le EMC ne'i fa'atapulaina ai ni nofoaga fa'asao mai le vaega 43 ma le 44 o le tulafono.
2.1	O le EMC Bill o lo'o iai le fa'aupuga "a'afiaga ogaoga fa'alesiosiomaga" ma e fa'augaina e le Fa'amasinoga ma le Pulega i se tulaga le mautinoa. E mo'omia ona toe autalu lea vaega o le tulafono ne'i a'afia ai le fa'atinoga o le fa'amalosiga ma le usitaia o le Pili pe a avefa ma tulafono.	Ia suia le fa'aupuga "a'afiaga ogaoga fa'alesiosiomaga" i le EMC Pili i ni fa'aupuga e fa'aeseese ai le fa'augaina o "a'afiaga fa'alesiosiomaga ma le fa'aleagaina" ina ia maioio lelei ai le tulaga tugā ma le ogaoga o a'afiaga ma le fa'aleagaina
2.2		Ia aofia i le EMC Bill ni aiaiga mo fa'asalaga mo le faatupuina o ni a'afiaga ma le fa'aleagaina o le siosiomaga e fua i le tulaga tugā o a'afiaga/ faaleagaina
3	Ua sainia e Samoa le Feagaiga i Nagoya, aepeita'i e le'i fa'atinoina aulape o lenei feagaiga e ala i se tulafono fa'alotoifale. O lo'o ua tapena nei se tulafono faalotoifale (Vaega 4 o le EMC Pili) e faataunu'u ai manaoga o lea feagaiga.	Ia faia se fa'aupuga i le EMC Bill mo se avanoa e fa'avaeina ai se fa'ava'a fa'aletulafono mo fa'amanuiaga e maua mai i le fa'asoaina o punaoa faakanera e tusa ai ma aiaiga o le Feagaiga i Nagoya.
4	Ua mae'a ona sainia e Samoa le Feagaiga i Cartagena ma e le'i fa'atinoina manaoga o lea feagaiga i se tulafono fa'alotoifale. O lea ua tapena se tulafono (Vaega 5 o le EMC Bill) e fa'atino ai aiaiga o lea feagaiga.	Ia unaia se vaega o le tulafono tapena, EMC Bill, e fa'avae ai se fa'ava'a fa'aletulafono e usitaia ai le saogalemu o meaola (biosafety) e tusa ma aiaiga o le Feagaiga i Cartagena.
5	Ua sainia ma aloaia e Samoa le Tauaofiaga i Minamata i le mataupu tau Mercury. Ua mae'a le Lipoti muamua o le iloiloga o Fa'aiuga o le Tauaofiaga i Minamata o loo fa'a'ailoa ai gaioga fa'aletulafono autu e mo'omia ai le fa'amaoni e tusa ma noataga o le Tauaofiaga.	O le a puipuia malosi ia siosiomaga o le sami a Samoa mai ni fa'aletonu ma fa'amata'u e tula'i mai ona o a'afiaga mai le mercury i le fa'atinoina lea o suiga fa'aletulafono ua fa'ataoto e le Ulu'a'i Lipoti o le Iloiloga o Fa'aiuga o le Tauaofiaga i Minamata, Annex 2.
6	O loo fa'a'ailoa e le Ta'iala mo le Sami a Samoa (SOS) le pulea o minerale taua o loo taoto i le alitiitai e ala i se alafua aoao tetele fa'aletulafono ma ia aofia ai se faiga e iloilo ma fa'afou ai ia aiaiga.	Ia fa'aauau e Pa'aga le Tali Fa'apulega Tu'ufa'atasi 11 o le Ta'iala mo le Sami a Samoa "iloilo faigafa'afave ma tulafono o lo'o iai pe a talafeagai e pulea ai ni tulaga lamatia e tulai mai i le eliina o minerale taua mai le sami loloto ma le alitiitai.
7	O le Taiala mo le Sami a Samoa (SOS) o lo'o folasia ai se mana'oga i le tu'ufa'atasi o faigafa'avae fa'alesiosiomaga fa'anatura ma suiga o le tau ma ia aofia i fuafuaga ma tulafono mo iloiloga fa'alesiosiomaga faapea ta'utinoga mo faiga e laulili ma fa'afou ai fuafuaga/tulafono.	Ia fa'agasolo le fa'atinoga e Pa'aga o le Tali Fa'apulega Tu'ufa'atasi lona 10 mo le autaluina ma le fa'afouga o tulafono talafeagai ia aofia ai amu ma faigafa'avae fa'alesiosiomaga fa'anatura ma suiga o le tau.
8	O lo'o fa'a'ailoa i le Ta'iala mo le Sami a Samoa se manaoga e fa'amalosia faigafa'avae ma tulafono mo le puipuia o Auunaga Fa'alesiosiomaga o le Gataifale e aofia ai ma le naunautaiga e fa'atino ni auala mo le fa'afou ma toe auilili nei ta'iala.	Ia fa'atino e Pa'aga le Tali Fa'apulega Tu'ufa'atasi lona 9 mo le iloiloina ma le fa'afouina o tulafono e fitoitonu mo le puipuiga o auunaga fa'alesiosiomaga o le gataifale.
9	E ui o lo'o taua le Fa'asao o le Sami Fa'aleatunu'u i le vaega 14A o le tulafono fa'atonotonu o le Puipuiga o Meaola o le Gataifale, o le malosiaga fa'aletulafono o lea aiaiga e le o mautinoa.	Afai e fa'atumauiina pea se manaoga e fa'avae se Ogasami Fa'asao Fa'aleatunu'u, e ao i pa'aga ona mafaufau ma malamalama i a'afiaga o sea fa'asao e tusa ma le tulafono.
10	Ia mautinoa le aoga o le Fuafuaga mo le Sami a Samoa, o lea e tatau ai ona aloaia le Fuafuaga e ala i se tulafono e aofia ai le sami atoa e mafai ona fa'amalosia. O se vaega o le MSP e tatau ona faia, o fa'avaeina lea o ogasami fa'asao so'ofa'atasi. O lo'o aofia i le Ta'iala mo le Sami a Samoa le fa'avaeina lea o se Fuafuaga mo Ogasami Fa'apitoa ma le fa'amalosia o Vaega Fa'asao So'ofa'atasi e tusa ai ma Tali Fa'apulega Tu'ufa'atasi 5 ma le 7.  Mai fautuaga e pei ona fa'a'ailoa ma fa'amatalaina i le vaega 5 o le Lipoti, o le aulape 4 o lo'o fautuaina le se fetu'una'iga o le Pili mo le Pulea tatau ma le Fa'asaoina o le Siosiomaga (EMC).	E tatau ona toe fetu'una'i le le tulafono taufa'aofi EMC Bill, ina ia fa'aofi iai le Fuafuaga mo Ogasami Fa'apitoa ma Fa'asao So'ofa'atasi o le Gataifale, a'o le'i aloa'iaina.

